

SARS le NPA: Polelo mohlakanelwa ya baphatlalatši ba ditaba ka ga go bea pele bomenetša bja motšhelo

Tshwane 14 Mei 2021 – Khomišinare wa Ditirelo tša Motšhelo tša Afrika Borwa (SARS) – Mrn. Edward Kieswetter, le Molaodi wa Bosetšhaba wa Botšhotšhiši bja Setšhaba (NDPP), Mmoleledi Shamila Batohi, ba dumetše go tšwelapele ka go katološa tirišano le go šomana le ditlhohlo tše kgolo tša bosenyi bja motšhelo le go se obamele, go goboša motheo wa motšhelo wa ditseno le tshekego ya mokgwatšhomo wa motšhelo.

Mola tshekego ye ya tirišano e akaretša ditebo tše mmalwa, ya ya potlako e tla ba go se obamele ga bengmešomo, bao ba gogago Lefela ka ge o gola (PAYE), gomme ga ba romele metšhelo yeo ka SARS, gape ga ba faele dipušetšo tša bona ge go hlokega, gape le ditiragalo ka kakaretšo tša bomenetša.

NDPP le Khomišinare ba utullotše matshwenyego a bona ao a tseneletšego ka ga setšo sa go hloka kotlo le ditiro tša malešadihlong tša bosenyi tšeo di begwago tšatši ka tšatši. Ka lebaka leo, ditakatšo tša Afrika Borwa e kaona go bohle, di senywa ke maitshwaro mpe le bosenyi bja go dirwa ke badiragatši ba praebete le ba setheo sa mmušo.

Ba dumela gore mola Taolelo ya Botšhotšhiši ya Bosetšhaba (NPA) le SARS e na le ditagafara tša go fapana, ba abelana morero wa go swana. Ba šupeditše go morero wa gore go na le takatšo ya go kwešišega bakeng sa gore batho ba be le boikarabelo bja bomenetša. Se se swanetše go itaetša ka go šogana le setlwaedi sa go se obamele le boikgafo bja semolao bja balefela motšhelo.

Go fa tlhaloso ya tirišano ye, Karolo ya Nyakišišo ya Bosenyi ya ka SARS e tlo fana ka bokgoni bja tirišano, le go šoma kgauswi le bokgoni bja tirišano ya NPA bja Di uniti tša yona tše Kgethegilego tša Motšhelo tša bo beakanya dikgetsi tša tiišetšo tša botšhotšhisi. Se se tla diragala ka mokgwa wa kgotlaganyo go ralala le naga. Bothlagahlaga bja mokopanelwa bja bo tšhotšhiša bo tla thoma ka go tsepelela go se obamele ga bašomi.

Karolo ya Dinyakišišo tša Bomenetša ya SARS e šetše e rometše bašomi ba go feta ba 30 ba go se obamele go NPA, gomme re šomana le go šupetša le bea pele dikgetsi tše dintši. Baetapele ba dilete ba ka SARS ba nyakišišo ya bosenyi le balaodi ba dilete ba NPA ba di-STU ba tlo tšwelapele ka dikgetsi tše mo matšatšing a itseng go selete se sengwe le se sengwe.

Go hwetša tshedimošo enngwe, ka kgopelo ikgokaganye le SARSMedia@sars.gov.za goba letšetša Siphon Ngwema, Mmoleledi wa Bosetšhaba wa NPA, go 081 253 8889.